



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodvs Expeditæ Confessionis Tum pro Confessarijs, tum pro Pœnitentibus

Tamburini, Tommaso

Coloniæ Agrippinæ, 1657

De Voto & Iuramento, paragr. 2

urn:nbn:de:hbz:466:1-41773

§. 2.

De voto, & juramento.

19 **I**dem, & multo probabilius, dic in voto, & juramento; in quacumque enim materia *a* sive voveas Sanctis, sive Beatissimæ Virgini, sive immediate Deo; vel, sive jures *b* per aliquem ex his, sive per quodcumque aliud, in quo veri juramenti ratio apparet: eodem specie voto voves, eodemque specie, juramento juras. Ratio est ista, quia communiter intentio jurantis est ipsum Deum, qui in Sanctis, rebusque illis, relucet, adducere in testem, & in votis, ipsum eundem Deum colere. Quare satis est in Confessione sic proferre: Votum minimè observavi, falsò juravi, &c. sine sollicitudine explicandi cui voveris, vel per quid juraveris.

*a Sanc. l. 4
in dec. c. 11
n. 23.*

*b Sumr. t. 2
de Rel. l. 1.
de juram.
t. 25. n. 10.
Less. l. 2.
c. 40. du. 1
n. 6. Fag.
præc. Eccl.
2. l. 3. c. 5.
n. 2.*

20 Sed quid, si quis votum confirmavit juramento? Respondeo utrumque, id est, votum, & juramentum fore explicandum.

*c. Sanc. l. 7
de matr.
d. 27. n. 26*

Ratio est clara, quia tunc emergit duplex species malitia si contra illa delinquas: altera contra Religionem, seu fidem datam per votum: altera contra obligationem non adducendi Deum in testem in re falsa. Eodem modo si res, supra quam cadit votum, ac juramentum esset ex præcepto, etiam hoc explicari deberet: ut si quis vovisset, jurassetque Missam audire in die festo. Nec mirum: quia nova species malitia adesset, quia scilicet quis Ecclesiæ præcepto non satisfacit. Quæ ratione, & quando vota, vel juramenta repetita unum, vel plura peccata constituant, diximus supra cap. 1. §. 8. præsertim n. 52.

§. 3. De